



Universitätsbibliothek Paderborn

**Spes & Fiducia, Cvris Ivdiciisqve Dei, Erga Homines In Hac
Vita Existentes, Firmata**

Stengel, Georg

[S.I.], 1645

§. 3. Misericordiæ opere, baptismus à peccatrice impetratus.

[urn:nbn:de:hbz:466:1-49823](#)

quidem dignos censem, eos diuinus oculus ex persecutoribus Apostolos, ex lictoribus martyres, denique ex nigris candidos facit atque cæli candidatos.

§. III.

*Misericordia opere baptismus à peccatrice
imperatus.*

Stupendum eiuscemodi Dei iudicium sic manifestum etiam ex alia, commemoratione digna, historia, quam, sub Paulo Episcopo Alexandrino, circa annum Domini quingentesimum trigesimum septimum contigisse, in Prato spirituali, his verbis legimus. *Narravit nobis* (inquit Ioannes Moscus cognomento Euiratus) *Abbas Theonas Theodorus*, quod *Alexandria*, sub Paulo Patriarcha, puella quadam relicta fuerat pupilla, à parentibus magna facultate locupletibus. Erat autem adhuc sine baptismo. Die vero quadam ingressa pomarium, quod sibi reliquerant parentes eius (sunt enim in medio ciuitatis pomaria) vidi quendam parantem sibi laqueum, ut se prefocaret. Cucurrit igitur, & dixit ei: *Quid facis, homo?* Dixit autem ei: *Dimitte me, mulier, quoniam in multa tribulatione sum.* Quaerit illi: *dic mihi causam, & fortassis iuuare te potero.* Dixit illi: *Graui are alieno premor, & valde*

Prato
spirit. c.
107.

124 Cap. VI. Bonitas Dei in Baptismo

valde suffocor à creditoribus , elegi q̄, potius vi-
tam semel finire , quam quotidie mori. Qua
dixit illi : Quæso te , accipe omnia , quæ habeo .
Et redde : tantum ne perdas te ipsum. Sumens
verò ille reddidit omnia. Puella ergo angustari
cœpit non habens , qui sibi curam gereret. Itaq;
destitua parentum solatio , fornicari instituit ,
Et inde sibi victimum querere. Dicebant ergo vi-
ri illi sancti : Quis nouit ista , nisi solus DEVS?
quomodo scilicet permittatur anima , propter
causam aliquam ipsi soli cognitam , ad tempus
derelinqui ? Post aliquantulum temporis infir-
mata est puella , Et in se reuersa compuncta est ,
oravit q̄, Pontificem , ut faceret illam Christia-
nam. Omnes autem aspernabantur eam , di-
centes : Quis hanc suscipiat , qua meretrix est ?
affligebatur autem vehementer. Cum verò in
his esset angustijs , astitit illi Angelus , in specie
hominis , cum quo misericordiam fecerat. Cui
illa dixit : Cupio fieri Christiana , Et nemo vult
pro me loqui. Qui ait : Nunquid re verâ istud
cupis ? Respondit illa : Utq; , Domine , Et de-
precor te , ut hoc mihi impetres. Qui ait : Noli
tristari. Ego adducam aliquos , qui te accipi-
ent. Adduxit ergo alios duos Et ipsos Sanctos
Angelos , duxeruntq; illam in Ecclesiam. Rur-
sumq; se ipsos transformantes in personas qua-
dam

dam illustres, & notas ex ordine Augustalium,
vocant Clericos, Presbyterum, & Diaconum,
qui in hoc ipsi constituti erant. Dicunt eis Cle-
rici. Vestra charitas pro ea pollicetur? Illi autem
responderunt: Etiam nos pro illa pollicemur.
Sumentes ergo illam baptizauerunt: & albis
induta rursus ab eis subiecta est. Quam cum
deposuissent, euaniuerunt. Vicini ergo, cum illam
albis indutam viderent, postquam recesserunt
illi, dicunt ei: Quis te baptizauit? Nunciauit
autem eis rem totam, dicens. Venerunt quidam,
& tulerunt me in Ecclesiam, locutiq₃ sunt Cle-
ricis, & baptizauerunt me. Et dixerunt ad
eam: Qui sunt illi? cum vero non posset dicere,
qui essent illi, abeuntes nunciauerunt Episcopo.
Dixit autem Episcopus his, qui ad baptizan-
dum constituti erant: Vos illam baptizastis?
Et confessi sunt, se illam baptizasse exora-
ratos ab illo & illo Augustalibus. Porro accersti-
tis ex Praetorio his, quos Clerici dixerant, dixit
Episcopus: Num ipsi pro ista fidei insistis? Qui
dixerunt: Neq₃ nouimus, neq₃ consci₃ nobis su-
mus, hoc fecisse. Tunc vero iam cognovit Epis-
copus, DE hoc opus esse. Connocansq₃ illam
dixit ei: Dic mihi, filia, quid gessisti boni? Qua-
ait: Meretrix existens, & paupercula, quid
boni operari potui? Dixit illi Episcopus: Nihil-

ne

126 Cap. VI. Bonitas Dei in Baptismo

ne omnino operata es? Dixit ei: Non, nisi quod, videns quendam, qui à creditoribus premebaratur, se suffocare volentem, dat à illi omni substantia mea, liberavi illum. Et his dictis, continuo obdorminit in Domino. Tunc Episcopus glorificans Dominum dixit: Iustus es Domine, & rectum iudicium tuum.

§. IV.

Bonitas diuina, etiam in operibus, quibus de con-
digno nihil debetur, remunerandis.

Hoc baptismus vel meretrici, ante mortem, diuinitus procurato; non tantum mirabilia & arcana Dei iudicia illustrantur; sed etiam erudiuntur illi, qui, quæ olim pie gesserunt, frustra, esse gesta existimant. Bonus est Deus, etiam illorum operum non obliuiscitur, quæ mortali delicto extincta sunt. Illis enim et si cœlum non debeatur: enim uero et si de cogdigno nihil omnino debeatur, tanquam Dei inimicis, nisi poena; congruum tamen existimat Deus, ut aut bona recipient in vita sua, cum Epulone illo, aut ut illis aliunde via ad cœlum aperiatur. Et quis inenarrabilem bonitatem illius dignè admirari, quis pro ea dignè gratias agere queat? ait Blofius. Nam cum nemo ad salutem perueniat, qui non vel tantillum charitatis habeat,

Luc. 16.
25.
Ludouic.
Blofius
in Cano-
ne vit.
spirit. cap
2.

vii 18